

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na 83. sjednici održanoj 9. aprila 2009. godine, donijelo je

ODLUKU

O FORMIRANJU RADNE GRUPE ZA POPIS IMOVINE

Član 1. (Predmet Odluke)

- (1) Ovom Odlukom se uspostavlja Radna grupa koja će imati zadatak da izvrši popis imovine.
- (2) Pod imovinom koja podliježe popisu se podrazumijeva imovina iz člana 2. Odluke o osnivanju Komisije za državnu imovinu, utvrđivanje i raspodjelu državne imovine, određivanje prava i obaveza Bosne i Hercegovine, entiteta i Brčko Distrikta Bosne i Hercegovine u upravljanju državnom imovinom ("Službeni glasnik BiH", broj 10/05).

Član 2. (Sastav Radne grupe)

- (1) U sastavu Radne grupe su predstavnici sljedećih institucija:
 - a) Ministarstvo finansija i trezora Bosne i Hercegovine - dva predstavnika,
 - b) Ministarstvo pravde Bosne i Hercegovine - dva predstavnika,
 - c) Pravobranilaštvo Bosne i Hercegovine - dva predstavnika,
 - d) Vlada Republike Srpske - tri predstavnika,
 - e) Vlada Federacije Bosne i Hercegovine - tri predstavnika,
 - f) Vlada Brčko Distrikta - jedan predstavnik.
- (2) Predstavnici institucija iz stava (1) ovog člana će biti imenovani najkasnije do 30. aprila 2009. godine.
- (3) Generalni sekretarijat Vijeća ministara Bosne i Hercegovine će Radnoj grupi pružiti potrebnu tehničku i administrativnu podršku.

Član 3. (Rok za izvršenje zadatka)

Radna grupa će zadatak iz člana 1. ove Odluke izvršiti do 30. septembra 2009. godine, a najkasnije u roku od 6 mjeseci od dana donošenja ove Odluke.

Član 4. (Donošenje odluka)

Radna grupa odluke donosi konsenzusom.

Član 5.
(Odnos popisa i raspodjele imovine)

Popisom imovine se ni na koji način ne prejudicira pitanje raspodjele imovine između institucija Bosne i Hercegovine, entiteta i drugih nivoa vlasti u Bosni i Hercegovini.

Član 6.
(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 63/09
9. aprila 2009. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.